

Sámi siida UiTas lea searvi sámiid bargiid ja studeanttaid várás guđet gullet UIT Norgga Árktálaš Universitehtii. Fágaid rájáid, bargonamuhusaid ja universitehta báikkálašvuodaid badjel. Searvi galgá leat sadji gos sámi bargit ja studeanttat sáhttet gáimmadit ja doarjut guđet guimmiideaset beroškeahká bargorollas ja gullevašvuodas.

Sámi Siida UiTas lea ulbmil fuolahit sámi bargiid ja sámi studeanttaid go Norgga árktálaš Universitehta dahká mearradusaid mat gusket sámi guoskevaš áššiide. Searvi galgá leat sáhkadoalvu ja oasálasti go mearradusat dahkkojit dutkama, oahpahusa ja eará áššiid hárrái mat gusket sámi beroštumiide sihke ásahusa siskkobealde ja ásahusa fuolaid siskkobealde. Sámi siida UiTas bargá dan ala ahte sámi geahčanguovllut galget leat álggu rájes mielde go áigumušast ja mearrádusat mat gusket sámi gažaldagaide leat jođus. Sámi ovddasteapmi berre leat dábálaš dáhpi doppe gos sámi áššit meannuduvvojit vai sámi beroštupmi boahká ovdan daid čađa guđet ellet gielas, suopmaniin, vásáhusain, dáidduin, máhtuin, bargguin historjjáin ja fágalaš meroštallamiin.

Sámi siida UiTas hálida nannet sámegiela universitehta árgabeivvis – dokumeanttain ja oahpahusas gitta bargosaji smávva cealkagiidda – ja váikkuhit dasa ahte giella áddejuvvo oktasaš ovddasvástádussan, maid máŋggas eaktudit. Sámi siida UiTas galgá leat oadjebas rámmán Sápmi máŋggabealatvuhtii: nuoraide geain lea duostilvuohta ja vuorrasiidda geat guddet máhtu ja vásáhusaid maid ii galgga mannat meattá. Oasálašvuohta galgá leat eambo go dušše sátni; dat galgá leat dovdomis geavatlaččat.

Sámi siida UiTas áigu bargat sámi máhttonannemiin man vuolggasadji lea sámi dárbbuin, ja suodjalit árbevirolaš máhtu dan ovddas ahte dat ii šatta dušše hearvan dahje márkkanastimin. Go sámi kultuvra adnojuvvo, de galgá dat dáhpuhuvvat miehtama mielde, dárkilvuođain ja dohkkehemiin. Searvi viggá hukset bistevaš oktavuodaid fakultehtaid, kampusaid ja báikegottiid gaskkas. Dákko bokte hálida searvi doallat lohpuđuša ahte sámi oasálašvuohta UiTas galgá leat duođalaš, bistevaš ja doahttalemiin vuodđuduvvon sidjiide geat bohtet maŋis. Čeahkkáigeassu: Mat leat dehálaš áššit ovddasguvlui?

Mearridanprosessat ja ovddastus: Sámelága § 4-1 lohka ahte Sámedikkis ja eará ovddasteaddjiin, geaidna sámi beroštumit gusket, lea vuoigatvuohta gulaskuddojuvvot go dahkkojit mearrádusat, dahje go leat doaimmat mat sáhttet váikkuhit sámi beroštumiid

njuolga. Sámi siida UiTas háliida ovddastit dáid beroštumiid UiT Norgga árkatalaš universitehtas.

Giella ja mánggabealatvuohta: Sámeigiella galgá nannejuvvot UiTas, dokumeanttain, oahpahusas ja eksámeniin gitta bargosaji smávva cealkagiidda. Giella galgá leat oktasaš ovddasvástádus, ii ge ovttaskas olmmoš priváhta dáistaleapmi. UiT galgá addit sáji Sápmi mánggabealatvuhtii ja leat oadjebas rámmán iešguudetlágan vásáhusaide, gielaide ja kultuvrraide.

Árbevierut, máhttu ja kultuvra: Sámi máhttoovdáneapmi galgá vuolgiti sámi dárbbuin dutkamis, hálldašeamis ja servvodaga geavatalaš dárbbuin. Árbevirolaš máhttu ja kultuvra galget šaddat duohta oassin UiT oahpahus- ja dutkanporteføljas.

Ovttasbargu ja oasálastin: Ovttasbarggu bokte fakultehtaid, kampusiid ja riikarájiid rastá galget huksejuvvot bistevas oktavuodát. Bargu galgá sihkkarastit ahte sámi bargit ja studeantat sáhttet leat ollislaš olmmožin iežaset barggus.